

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. **"Nukissiorfiit" ingerlatsivittut ("virksomhedsform") qanoq aaqqissuussaava, Naalakkersuisullu tassunga naalakkiisinnaatitaappat?**
2. **Naatsorsuutit akuerineqarnikuni kingulliusoq naapertorlugu, "Nukissiorfiit" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?**
3. **Ukiut siulii naatsorsorsinnaasat tamakkerlugit katikkaanni, "Nukissiorfiit" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.**

(Inatsisartunut ilaasortaq Pele Broberg, Naleraq)

Tunngavilersuutit:

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Nukissiorfiit", A/S-itulluunniit ingerlanngitsoq, qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.